



Республикамизга чет элдан келадиган баъзи туристларга тушуниб бўлмайди.
Мелибой ака, пенсионер, партизан

Жияним туристлар идорасида ишлайди, ўтган шанба куни уйга келиб: “Бу йил турист кўп, одам етишмаяпти, шахримизда икки кун тўхтайдиган бир меҳмон бор, карашиб юборинг”, - деб колди.

Пенсияга чикканимга энди саккиз ой бўлган, хали пенсияхўрликка ўрганганим йўқ, зерикканимдан кампиримнинг ишларига аралашавериб уни хам, ўзимни хам хуноб килиб юрган эдим, жиянимнинг илтимосига дарров кўндим. Мен ўн бир йил шу идорада кичик бир лавозимда туриб, пенсияга шу ердан чикканман.

Шу ўн бир йил давомида кулогимга кирган калималар ўрнашиб, ундан бир сўз, бундан бир сўз чўкиб, тилга хавас пайдо килганимда эса идора хизматчиларининг ёрдами билан китоб таталаб инглиз тилини унча-мунча билиб олдим. Инглиз тилига мойил бўлганим, албатта, тасодифий эмас, болалигимда Американинг таърифини кўп эшигтанман: ана осмонтешар иморатлару, ана осма кўчалару...

Душанба куни янги банорас авра тўн ва яшил баҳмал дўппимни кийиб идорага бордим. Жиянимнинг кабинетида озгин, тепакал, кўзлари оч одамнинг кўзидай ялтираб турган кирк беш ёшлардаги бир кимса ўтирган экан. Мен тахминан “меҳмон шу бўлса керак” деб инглизча салом бердим. Меҳмон кайрилиб каради, бирдн, худди кўз кўрмаган ва кулок эшигтмаган бир жониворни кўргандек, хайрон бўлиб секин ўрнидан турди, саломимга алик олишни хам эсидан чикариб, менга бошдан-оёқ разм солди; мен ўзбекми эканимни, инглизчани каерда ўрганганимни сўради; саволларига жавоб берганимдан кейин тўнимни, дўппимни ушлаб, соч-соколимни торткилаб кўрди. Жияним менга кўз кисиб “кўяверинг” дегандек ишора килди.

Жияним мени таништиргандан кейин меҳмонни меҳмонхонага олиб бордим. Унга икки хоналик жуда яхши номер олиб кўйилган экан. Меҳмон номерни кўздан кечирди, яркираб кўзни камаштираётган жихозларни бирма-бир ушлаб, силкитиб, тирноклаб, хидлаб кўрди. Мен бунга чандон эътибор килмадим, чунки боя идорада инглизча гапирган ўзбекнинг ўзбеклигига ишонмай унинг либосини ушлаб, соч-соколини торткилаб кўрган кимса, хозир ўзбек меҳмонхонасидаги яхши жихозни калбаки гумон килса не ажаб! Чет элда хозир хам Ўзбекистонни мутлако билмайдиган, ўзбекларни хануз кетига пўстак бοглаб, имо ишора билан гаплашадиган кабила деб ўйлайдиган одамлар бор-ку!

Меҳмон ўрнашди. Тушлиқдан кейин кўчага чиқдик. Меҳмон меҳмонхонанинг пештокига соя солиб турган кари чинорни кўрсатиб:

- Жуда яхши дараҳт экан, инкилобдан кейин экилган бўлса керак? – деди.

Чинорнинг бирон юз эллик йил умр кўрганлиги кўриниб тургани холда меҳмоннинг бу

гапи менга малол келди. Бу одам идорада нима учун соч-соколимни торкилаб кўрган бўлса, хозир айни шу максадда,. Яъни канчалик рост гапиришимни билмок учун дилимни титкилаб кўрмокда эди. Жиним кўзгади-ю, мен хам уни чўпга илиб ўйнагим келди.

- Ха, инкилобдан кейин экилган, - дедим ва бир оз туриб, меҳмон мени “аравача” килганига ўзида йўқ хурсанд бўлиб гердайиб турганида илова килдим, - биринчи инкилобдан анча кейин экилган, - дедим.

Меҳмон тушунолмади.

- Сизларда икки марта инкилоб бўлганми? – деди шошиб. – Биринчиси качон бўлган? Канака инкилоб?

- Бундан юз йилча бурун, - дедим. – Мен русларнинг келишини биринчи инкилоб деб биламан.

Меҳмон бошка гап сўрамади, фотоаппаратини гилофидан олиб, йўл-йўлакай унга-бунга тўгрилади, лекин биронта хам сурат олмади. Бирдан кўчанинг ўртасида чимматсиз паранжи ёпинган бир кампир пайдо бўлиб колди. Кампир худди шахарнинг хокимидай хеч кимни, хатто милитсиянинг хуштагини хам писанд килмай хассасини катта-катта ташлаб келмокда эди. Меҳмон югуриб кўчанинг ўртасига чиқди, кампирни каршилаб чўккалади, уни рўпарадан, ёнбошдан, оркадан бир неча марта суратга олди: сураткашликда ўта жон кўйдирганидан ўпкаси оғзига тикилиб, ўтиргани жой излаб колди. Паркка бошладим. Каҳвахонага кирдик. Бир паёла каҳвадан кейин меҳмон ўзига келиб, кўйин дафтарини олди, ундаги планга узок караганидан кейин:

- Шахрингизнинг бошка диккатга сазовор жойларини эртага кўрамиз, бугун менга Рексуллохи Ансорийнинг макбарасини кўрсатсангиз бас. Макбара шу атрофда бўлиши керак, - деди.

Рексуллохи Ансорий... Болалигимда Рексбува деган ном кулогимга кирган, ўша вактда паркнинг мана шу ўнг канотидаги тепалик – хозирги театр биноси тушган жой – гўристон бўлиб, унинг кок ўртасида Рексбува деган мозор – даҳма бўлар эди. Бир оз ташвишга тушдим: борди-ю, Рексуллохи Ансорий дегани бирон мўтабар зот бўлса, буни узок юртдан келган бир сайёх билса-ю, биз билмасдан макбарани бузиб ташлаган бўлсак... Бундан хунуги борми! Бирон найранг ишлатиб бу нокулай ахволдан чикиш йўлини кўзладим, лекин ўйлаб-ўйлаб “енг яхши хийла – тўгрилик” деган карорга келдим-да, Ансорий тўгрисида билганларимни айтиб:

- У киши шахримиз тарихида кандай ўрин тутган эканлар? – дедим.

Меҳмон саволимга жавоб бера олмади. Шундан кейин ўлкамизда жаҳонга машхур бўлиб ўтган бир канча кишиларнинг номини айтиб, меҳмонни “чакмоклаб” кўрдим. Йўк, меҳмон бу одамлардан биронтасини, хатто Ибн Синони хам эшитмаган экан.

Рексуллохи Ансорий ким, унинг нима фазилати ё касрати борлигини билмаган холда бу одам нега унинг номини кўтариб юрибди, нега унинг макбараси керак бўлиб колиби – шунга кизикдим. Меҳмон бу хакда берган саволларимга жавоб бермасдан илжайиб туриб-туриб, тўсатдан:

- Думли одамларни кўрганмисиз? – деди.

Меҳмон гапнинг сархонасини янгиламокчи деган ўйда кулиб кўя колдим.

Бирок каҳвахонадан чиқиб, театр биносининг атрофини айланиб юрганимизда меҳмон буткул жиддий бир тарзда яна думли одамлар хакида сўз очди. Узун сўзидан хулоса чиқариб, ер юзида халклар тараккиёт зинасининг турли боскичида, бирон боскичда турган халк орасида ўтган боскич кишилари кўриниб колса, бунга табиий бир деб караш керак, деган фикрни айтдим. Меҳмон бу гапнинг туб маъносига тушуниб ётмади.

Кўчага чиқдик. Мехмон яна Ансорийдан гап очди. Шунда кўнглимга бир гап келди: бу одам ўша Ансорийни думли одамлар тоифасидан деб ўйламасмикан?

Худди айтганим чиқди. Мехмоннинг отаси илгари ўртачарок бир ширкатнинг бошлиги бўлиб, ширкат сингандан кейин умрининг охирини антропологияга багишлаган, ундан кўп кўлёзмалар, жумладан мана шу кўйин дафтари колган, шу дафтар ва бошка хужжатларда айтилишига караганда, Рексуллохи Ансорий думли одамлар тоифасидан экан. Яна бир мўтабар кимса Рексуллохи Ансорий макбараси атрофида хозир хам думли одамлар яшамоги эҳтимолдан холи эмас, деган экан.

Жоним халкумимга келди. Лекин ўзимни босдим. Шу атрофдаги хамма кўча ва тор кўчаларни кезиб чиқдик. Мен каёкка бошласам меҳмон юрмайди, тескари томонга йўл олади: тез-тез тўхтаб хаммага, хусусан атлас кўйлак кийган хотинларга оркадан зеҳн солади, афтидан, думли одам кидиради. Мехмон билан гаплашиш эмас, унинг афтига карагим келмас эди.

Кайфиятимни билинтириб кўймаслик учун ноилож сўз котдим:

- Жаноблари ота касбини ушлабдилар-да? – дедим.
- Йўк, мутлако, - деди меҳмон. - Мен журналистман!
- Антропологияга кизикмасангиз, сизга думли одамнинг нима кераги бор?
- Менинг газетамга керак! – деди меҳмон. – Хеч бўлмаса биронта думли одамнинг суратини олиб борсан дейман. Жуда шов-шув бўлар эди... Ёрдам ваъда килолмайсизми? Мен ўлаб кўрмокчи бўлдим. Мехмон жуда кувониб кетди. Овкатдан кейин меҳмон дам олгани ётогига кирди. Мен бутун заҳримни жиянимга тўkkани идорага бордим. Жияним воеани эшитиб кулди, мени жахлдан туширди. “Юрагингизни кенг килинг, тога, йўловчи хар бир хурган итнинг кетидан кува берса, манзилга качон етади, деган бор, сизнинг вазифангиз меҳмонни истаган одами билан гаплашириш, истаган ерига олиб боориш. Бундан ташкай бу одам сизга омонат, омонатга хиёнат килмасдан, кўлимга сог-саломат топширишингиз керак”, - деди. Жахлимдан тушдим.

Кечкурун меҳмонни консертга олиб бордим. Мехмон залга кириши билан яна ўша муддаода одамларга хар томондан разм сола бошлади, бекасам тўн кийган бир мўйсафиднинг кетига тушди. Хайрият, чирок ўча колди-ю, бориб жойимизга ўтиридик. Меҳмонга консертга кизикмади, мудраб ўтириди, аломат бир ўйин бўлаётганда хатто хуррак отиб юборди. Шунинг учун консертнинг иккинчи бўлимига колмадик, эртага учрашадигаб бўлиб, меҳмонхона олдида хайрлашдик. Эртасига келишим биланок меҳмон: “Кечаги гапимиз нима бўлди, ёрдам берасизми?” деб сўради. Мен бу хақда хеч бир карорка келмаганиligимни айтдим. Шундок бўлса хам меҳмон ёрдам беришимга амин эканлигини билдириб, олдиндан ташаккур маъносида елкамга кокиб кўйди ва театр атрофидаги хонадонлардан биронтасини кўришга орзуманд эканини билдириди. Мен унинг муддаосини фахмладиму, ўша томонларга олиб бордим ва орка кўчадаги рўпара келган ховлига бошладим. Меҳмон аппаратини бўйнидан олди ва хаяжон ичидан остонаядан хатлади. Кирган эшигимиз хозир участка деб аталадиган оддий, лекин мевазор, гулзор, нихоятда дидли, хавасли одамларнинг ховлиси экан. Ўрта ёшлардаги бир хотин сарик луччак шафтоли тераётган экан, бизни кўриб шотидан тушди, сўрашди, елиб-югуриб супага жой килди, дастурхон ёзди. Бир неча хил шафтоли келтириб кўйди. Меҳмон gox менга, gox хотинга карап, gox унинг орка этагига разм солар эди. Хотиннинг ўғли врач, келини ўқитувчи, хозир иккови хам ишда экан. Меҳмон хафсаласи совиб, фотоаппаратини бўйнига осди-ю, аламини шафтолидан олди, умрида бунака шафтолини кўрмаган бўлса керак, роса еди. Шу чок унинг кўзи деворнинг тагида кунишиб турган

касал жўжахўрозда тушди. Унинг оёклари узун, бўйининг пати тўқилиб кип-кизил гўшт бўлиб колган, ўзи нихоятда орик эди. Мехмон дарров кўлини артди, фотоаппаратини бўйнидан олди, жўжахўрозда жуда якин бориб чўккалади: жўжахўрозда бошини кўтариб хайрон бўлиб турганда бир неча марта суратга олди. Чой кўтариб келаётган хотин “вой, суратга оламан десалар яхши товукларимиз бор, бу касал эди-ку” деганича колаверди. Аччигим келди, лекин мумкин кадар мулоиймлик билан:

- Жўжахўроздинг сурати хам газетага керакми? – деб сўрадим.

Мехмон жавоб бермади, “кетдик” деб ишора килди. Хотинга ташаккур изхор килдим. Кўчага чикдик.

Мехмон бу ховлига, хотиннинг меҳмондўстлигига шубха билан каради шекилли, хотиннинг меҳмондўстлигига шубха билан каради шекилли, бир неча ховлига ўзи бош тиқди. Мен хам кўйиб бердим, оркасидан кирмадим, чунки унга таржимон керакмас, одамларнинг орка этагига разм солишдан бошка иши йўк...

Самоварда ўтириб, бирпас дам олдик. Мехмон кўзимга хунук кўрина бошлади: ким айтади, буни осмонтешар иморатларни кўрган, осма кўчаларда юрган одам деб! Диккат бўлдим. Папиросни аллакачонлар ташлаб юборган эдим, шу топда битта сўргим келди-ю, папирос олган магазинга кирдим. Билмадим, магазинда канча туриб колдим экан, кайтиб чиксам меҳмон йўк. Бирпас кутдим, кейин юрагим ховлини билан иши йўк...

Кидирдим. Йигирма-йигирма беш минутнинг хар бири биттадан сўг тишимни сугуриб олгандек бўлиб ўтди. Бу касофат бирон ховли ёки бирон кўчага кириб, гумонсираган одамига “думингни кўрсат” деса, бунака хазилни бирор кўтаради, бирор кўтармайди... Бир соатдан ортиқ кидирганимдан кейин автоматдан жиянимга телефон килдим, воеани айтдим. Жияним товушидан ташвишда колгани сезилиб турса хам, менга тасалли берди ва “йўкотган жойингиздан узокка кетманг”, - деди. Самоварда яна бир неча минут ўтиредим. Нариги кўчадаги мачитнинг ярми кулаган мезанасига кўзим тушди. Бу касофат шунинг суратини олгани бормадимикин? Ўша ёкка бордим. Мачитнинг ичини, атрофини карадим, одамлардан сўрокладим – йўк. Самоварга кайтай деб турганимда ён кўчадан карнай-сурнай, кийкирик билан икки машина куёв-навкар чикиб колди.

Олдиндаги машинада лунжини шишириб сунрай чалаётган сурнайчининг ёнида туриб, беўхшов ўйинга тушаётган олабайрок тўн кийган бир кишига кўзим тушди, синчиклаб карасам – меҳмон! Суюниб кетдим. Югуриб бориб машинанинг олдини тўсадим. Мехмонга харчанд “туш” деб ишора киламан, кани энди кўнса – менга караб нукул муком килади. Кайфи баланд. Машинада таниш одамлар бор экан, кўймасдан мени машинага тортиб олишди. Мехмоннинг машинадан тушиш нияти бўлмагани учун машинани тўхтатиб жиянимга телефон килдим.

Таниш одамларнинг айтишига караганда меҳмон нима бўлиб тўйхонага кириб колибди. Одамлар унинг чет элдан келган меҳмон эканини билиб тўрга ўтказишибди, тўн кийгизишибди, ўйинчилар уни ўйинга тортишибди.

Келиннинг уйига келдик, зиёфат зўр бўлди, ўйин-кулги жуда кизиди. Мехмон бу ерда хам анча ичиб кўйди. Шу ердаги достор болалар менинг ташвишда колганимни пайкаб, меҳмонни хушига келтириб беришди. Мехмон хушига келганидан кейин яна айниди: яна думли одам кидириб хаммага зехн сола бошлади. Шундан кейин “сиз овора бўлманг, жаноб, думли одамни эртага ўзим топиб бераман” дейишга мажбур бўлдим. Мехмон мени ўпди, саломатлигимга устма-уст икки рюмка отди...

Ерталаб меҳмонхонага келсан мекмон ланж бўлиб ётибди, ланжки, хеч айтгулик эмас. Шундок бўлса хам, лъянати, кўзини очиши билан кечаги ваъдамни сўради. Мен уни

пастга олиб тушиб, аччик чой ичирдим, нордон нарсалар егиздим, ичкилик захри бироз синиб таъби очилганидан кейин думли одам деб бекор овора бўлиб юрганлигини тушунтиришга харакат килдим. Мехмон хафа бўлди.

- Сенинг хукуматинг бутун мамлакат устига темир парда тортган! – деди.

Бунга гап уктириш, коронгу уйга кесак отгандек гап эди. Шунинг учун ён берган бўлиб, ёлгондан ўйлаб колдим-да, чукур хўрсиниб:

- Шуни билар экансиз, нима киласиз мени кийнаб? – дедим.

Мехмон чехраси очилиб яна ёлворди:

- Мен сизга битта думли одамни кафасга солиб бер, олиб кетаман деяётганим йўк.

Узокдан корасини кўрсатсангиз бас, менинг аппаратим икки километрдан олади!

У десам у деди, бу десам бу деди – хеч бўлмади, нихоят “сени думли одамларга йўлатиш кўлимдан келмайди, хатарли, хохласанг аппаратингни бер, биладиган, уdda киладиган ишончли кишига айтиб, биронта думли одамнинг суратини олдириб бераман” дейишдан бошка чора колмади. Мехмон хурсанд бўлиб, аппаратини кўлимга тутказди. Ўзи ланж бўлгани учун тушгача ётиб дам олмокчи эканини айтди. Мен тушдан кейин келадиган бўлиб кайтдим. Тушдан кейин келсам, меҳмон хануз ланж, ётган экан, лекин аппаратини тегишли одамга топширганимни, у киши бутун лентани думли одамга тўлдириб беришни ваъда килганини эшитиб ўрнидан туриб кетди.

- Лекин шарти бор, - дедим, - омонатингизни факат кетадиган вактингизда, самолётга чикаётганингизда беради.

- Эртага, эртагаёк жўнайман! – деди меҳмон.

Келишувга мувофик шахарнинг диккатга сазовор жойларини кўргани чикдик. Кун кайтгунча юриб, кўп тарихий ёдгорликларни кўрдик, тўғон-кўлга бордик, шахримизнинг кўрки бўлган янги кўчалар, майдонлар, хиёбонларни кездик, музейларга кирдик.

Мехмоннинг бирон нарсага кизикканини, бирон жойда тўхтаб, бирон нарсага караганини кўрмадим. Хамма нарсага ўштайиб карап, каёкка в анима учун кетаёрганини, нима килиб юрганини ўзи хам билмас, афтидан, кунни кеч килишдан бўлак муддаоси йўк эди.

Маданият ва истироҳат bogигa кирдик. Мехмон хеч бўлмаса шу бокка, хусусан гул гулзорга кизикар деб ўйладим, чунки шахримиз бу бокка жуда бино кўйган. ЙЎк, гулзорга меҳмон кайрилиб хам карамади, унинг диккатини жалб килган бирдан-бир нарса боғнинг бир чеккасидан оқаётган анхор бўлди. Бунинг нимасига кизиқди экан деб карасам, лой сув киргокдан тошгудек бўлиб, шоҳ-хашак ва яна алланима балолар окиб келаётибди. Бирор сугориш максадида тўғон солган, сув тўғонни уриб кетган бўлса керак. Мехмон ифлос сувга худди сичконни кўриб колган мушукдек бутун вужуди билан карап, чамамда фотоаппарати ёнида бўлмаганидан афсусланар эди; бодган чикиб меҳмонхонага томон кетаётганимизда эски-туски йигиб юрган эшак аравани кўрганида хам худди шу холга тушди.

Мехмонхона кўчасига кайрилганимизда меҳмоннинг газетасига кўл келадиган яна бир ходиса рўй берди: шу кўчадан гизиллаб чиккан “Москвич” каттакон бир сарик итни уриб ўтди. Ит вангиллаб икки-уч юмалади, туришга интилиб туролмади, ётиб типирчилади.

Мехмон гоҳ бошини кўтаришга уриниб, гоҳ оёкларини силкиб жон бераётган итга якин бориб, беихтиёр чўкка тушди ва аппарат излаб ёнини пайпаслади.

Мехмон эртасига жўнайдиган бўлди. Думли одамлар сурати олинган фотоаппаратни кора когозга ўраб аэропортга олиб чиқдим ва кўйнимдан бир чеккасини чикариб кўрсатдим. Мехмоннинг кўзлари ёниб кетди. Хилватга бордик. Мехмон аппаратини олиб катақ сумкасига жойлади-ю, чонтагидан бир даста пул чикарди.

- Сизнинг хакингизни ўзим билиб бераман, - деди, - у киши билан неча пулга гаплашгансиз?
 - Пул тўғрисида хозир гаплашмаймиз, - дедим, - аввал суратларни чикариб кўринг, ана ундан кейин ўзингиз нарх бичиб юборарсиз.
- Мехмон яба миннатдорчилик бирдирди. Самолётга чикди, самолёт Тожикистонга караб йўл олди. Ким билади, мехмон юртига боргунча сабри чидармикин. Тожикистондаёк лентани чигарад, чикарса думли одамлар ўрнида ўзини кўради: мен аппаратни мактаб тўгарагига катнаб, фото ишида машкини роса килган кичик ўглимга бериб, “мехмон икковимиз шахар айланамиз, сен кетимииздан юргин, каерда чап оёгимни кўтарсам, мехмоннинг якка ўзини суратга олаверасан”, деган эдим. Бир канча жойда, жумладан, мехмон анхор бўйида, эски-туски йигиб юрган эшак арава ёнида ва жон бераётган итнинг устида турганида чап оёгимни кўтарган эдим. Ўглимнинг ўзи хушёр бола, галати-галати пайтларни топган бўлса керак. Мен бу нарсани жиянимга айтмадим, айтсан хам уришмаса керак, чунки мехмонга озор берганим йўқ, нихояти юзига ойна тутдим.